



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. ultimum.

[urn:nbn:de:hbz:466:1-62169](#)

bus suffragiis Ecclesiae Catholicae. Etenim Ecclesia, inquit, non censetur velle quemquam iustitiae ratione afficere, sed magis secundum veritatem conformare se divino iudicio, facit canon. Illud plane xi q. 3.

Quod ad alterum membrum textus nostri attingit, videlicet matrimonium clam contractum,

si a contrahentibus postea publicetur, recipi ab Ecclesia, hanc rationem habet, quod ex confessione partium jam constet Ecclesia, in eis matrimonium esse contractum. Jure igitur recipit Ecclesia hujusmodi matrimonium tamquam legitimè probatum confessione partium, l. Post rem 56, D. Dere jud.

In Cap. ultimum.

SUMMARI A.

1. Matrimonia clandestina quomodo prohibita.
2. Matrimonium contrahendum cur prius denuntiatur in Ecclesia.
3. Nuptia inceſta que.
4. Nuprias inceſtas contrahentium bona ipso iure amittuntur.
5. Nec opus est sententiā condemnatoriā iudicis, sed declaratoriā canum.
6. Poena hac confiſcationis an in quibuslibet inceſtis nuptiis locum habeat?
7. Eadem penā afficitur presbyter, qui tali matrimonio interfuit.
8. Matrimonii denuntiatio tria ex prescripto Cone. Trid.
9. Ea an & ubi omitti possit.
10. Causarum matrimonialium iudex legitimus est Episcopus.
11. Matrimonii contractus in facie Ecclesia celebrandus.
12. Matrimonii Sacramentum qualiter subiiciatur iuri humano.
13. Matrimonium absque denuntiatione celebratum est clandestinum.
14. Matrimonia presumpta per Cone. Trid. abrogata.
15. Sponsalia de futuro clam contracta tenent.
16. Coram quo Parochio, sponsi vel sponsa, matrimonium contrahi debeat.

Hoc Cap. est Innocentii III. in generali Concilio Lateranensi, triaque continet. Primo prohibet matrimonium contrahiri inter quartum cognationis & affinitatis gradum. Deinde interdicti matrimonia clandestina. Terzi formam praescribit matrimonii ineundi, posnasque adiicit, si secus factum fuerit.

Quod ad primum attinet, eius explicationem rei clemens ad c. Non debet s. inf. De confang. & affinitate.

Quo ad secundum, huius interdicti rationes reddidimus supra ad Rubr. hujus t. Sed cum à iure prohibita sit matrimonia clandestina, per hunc textus nostris cui supra eod ad c. 2, diximus, ad eadē ea valere, quod per posterius matrimonium subsequens illis minimē derogetur: contra juris regulam, quā jubentur ea, quae contra ius sunt, profectis haberi, cap. Qua contra ius De R. I lib. 6, & l. Non dubium s. C. De legib. nec enim prohibiti ole-gis effectu carere debet, can. Vides diff. 10 Respondeatur, hanc juris regulam tunc obtinere, ubi lex simpliciter aliquid prohibet, manendo intra limites prohibitionis. Aliud, si ulterius progradientur lex, contrarium scil. factum expresse vel tacite sustinendo: ut in clandestino matrimonio, quod licet à iure canonico improbetur, tamen ab eodem tacite sustinetur, sicut constat ex d. c. 2, Idem evenit in matrimonio contracto post votum simplex castitatis emissum, c. Rursus o. sup. Qui Clerici vel vorcent. & c. unico De voto & votis redempt in 6 item in sententia durius & sub conditione late à iudice, l. Religatorum 7, §. ad tempus D. De interd & relegat l. M. 9. § sedenim D. De pœnâ, & l. 1. §. biduum D. Quando appelland sit. Ubi in Glos. vide plura exempla, in quibus idē, ut jam dictum est, à prædicta juris regula disceditur, quod lex non maneat intra terminos prohibitionis, sed factum permittrat. Ac proinde de his recte dicitur: Quod multa fieri prohibeantur, quae tamen facta tenent, per texti in c. Ad Apostolicam 16, sup. De regularib.

Quantum concordit formam matrimonii ineundi, hæc praescribitur hoc cap. nostro, videlicet: cum matrimonium contrahendum est, denuntiatur prius per presbyterum in Ecclesia; ad eadē termino competente, intra quem cuilibet liberum sit ad impedientem matrimonium obiciere consanguinitatem, affinitatem, vel aliud impedimentum canonicum. Non minus ramen & ipsi Parochio incumbit de tali impedimento dis-

Yy

quicunque

quirere & indagare. Et si probabilis ejus conjectura adferatur, prohibetur eodem textu nostro matrimonium interim contrahi, donec de impedimento legitimè cognitum fuerit. Subsequenter hæc pœna subiicitur in ipsos contrahentes, ut, si neglecta hac forma matrimonium contraherent in gradu prohibito, etiam ignorantibus liberis eorum ex tali conjunctione suscepit prorsus illegitimi censentur; cum parentes taliter contrahentes non expertes scientia (ut loquitur textus noster) vel saltēm affectatores ignorantiae videantur: unde in dolo esse presumuntur, propter juris regulam: Qui contra jura mercatorum fidem presumuntur non habere, c. Qui contra jura De R. I. in 6. & l. Quemadmodum 7. C. De agricultor. & cens lib. ii. Et licet hæc regula de emptore loquatur, idem tamen juris est & in ceteris casibus, qui contra ius excentur. Nam cùm quilibet actiones suas teneatur dirigere ad normam juris, l. Leges sacratissima 9. C. De legib. c. i. sup. De consil. censetur, si contra fecerit, non ignorans se, vel saltēm alios consoluuisse, vel, si non consuluit, affectasse ignorantiam. Unde excusatione dignus non est, arg. l. Dolus 44. D. Mandati. At si denuntiatione præmissa matrimonium contratum sit, & postea aliquid impedimentum Canonicum emerterit, nihil obest liberis ex huiusmodi matrimonio procreatis, vel etiam conceptis, quo planè hi pro legitimis habendi sunt, per hunc textus nostris argumento ducto a contrario sensu, & probat text. in c. 2. & in c. pen. inf. Qui filii sunt legit. ubi & de hac re latius. Nisi tamen parentes anteasceiverint inter se subesse impedimentum canonicum: quæ specie non prodest liberis præmissa denuntiatione in Ecclesiâ facta, textus hic in §. Si quis vero, & Concil. Trid. Sess. 24. cap. 5. in decreto de reformat. matrim. Et hæc quoad liberos ex injuncto matrimonio natos. Cæterum quoad parentum pœnam nihil hoc textu traditur; sed ex art. cap. unicum De consang. & affinit. in Clement. quo ipso facto incestas nuptias contrahentes excommunicantur.

- ³ Incestæ nuptiæ vocantur, quæ sunt inter cognates & affines, inter quos de jure interdictæ sunt nuptiæ, l. fin. C. De incestis & inutilib. nupt. Did. 4. Covarr. p. 2. cap. 6. §. 8. de matrim. Jure vero Civiili incestas nuptias contrahentium, præter existimatum, bona fisco ipso jure applicantur, non existentibus liberis ex priore matrimonio, Nov. 12. de incesti nupti. & Auth. Incestas Cod. d. tit. De incesti juncto cap. Cum secundum 19. De baret. lib. 6. Quare in

hoc crimine non est necessaria sententia condemnatoria, cum ipso jure hæc pœna inferatur.

Quod animadversione digaum, & in aliis delictis, ubi ipso facto puniuntur à jure, quorum aliquot exempla recenter textus in d. cap. Cum secundum. Tametsi enim alias morte delinquentes criminis extinguantur, l. i. & l. 2. C. Si reu vel auct. mort. fuerit, ramen quando à lege vel canonice poena amissionis bonorum inducitur ipso jure, delictum etiam post mortem delinquentis trahari, & in judicium deduci potest contra hærides, ad hunc finem, ut siccus bona delinqüentes consequatur. Glos. in l. i. §. quod autem D. Quod quisque juris, quam & ibid. dd. communiter approbat, iust. Did. Covarr. sup allegato loco num. 7. Interim opus est in hujusmodi delictis sententiâ declaratoria judicis, quæ videlicet judex declarat, tale delictum admissum esse: alioquin occupationem bonorum deveniri non potest. d. cap. Cum secundum. & fatus tradit. And. Gail. lib. 2. Obseruat. ubi eleganter pro regula tradit, quod omnes leges & statuta, quæ inducunt ipso jure privationem, ad dominum tantum, non possessionis privationem spectent, nisi forte delictum esset notarium, de quo fuscus Felinus ad c. Cum non ab homine 10. sup. De judic.

Verum quæstionis est, an, quæ de exilio & confiscatione bonorum dicta sunt, habeant locum in quibuslibet incestis duplicitis? Quod existimat Glossa in d. Auth. Incestas: imò amplius obtinet putatio in quolibet illicito matrimonio etiam jure civili interdicto, ed quod d. Novell. 12. de incestis loquatur generaliter de illicitis nuptiis. Sed verius est, pœnam dictæ Novellæ non ad omnes, sed ad eostantinum pertinere, qui ratione consanguinitatis incestas nuptias contrahunt, ex communis sententiâ Doctorum, quam refert & sequitur Salycetus ad d. Auth. Incestas num. 4. c. ratione motus, quod textus in d. Novellæ 12. (unde d. Auth. Incestas desumpta est) non simpliciter agat de illicitis nuptiis, sed de illicitis & naturæ contrariis simul, sive copulativè, ita quod utrumque requiratur, sicut accidere solet in aliis orationibus conjunctim, sive copulativè enuntiatis: in quibus etiam omnium concursus necessarius est, l. Si baredi 5. D. De condit institut. & §. si plures instit. De baredib. instit. Quod latè examinat Alciatus ad l. Sep. 51. D. De verb signif. præsertim in pœnaliibus, quæ cum odia sint restringi magis convebit, quam ampliari, cap. Odia, cap. In pœni. De R. I. in 6. & l. Interpretatione 42. D. De pœni. Igitur d. Nov.

12. &

12. & Auct. Incessas, exaudiendæ sunt de naturâ illicitis baptis, quod & ipse contextus satis indicat, dum ait, quam plurima animalia eas coniunctiones abhorre tamquam naturæ adversas, veluti sunt inter parentes & liberos, l. fin. D. De ritu nupt. inter novicem & privatum, nostrum & sacerdotum, l. fin. D. De condit fine causa, & inter fratrem & sororem, l. 8. D. De ritu nupt. can. unico xxxv qn. 1, nam inter hos jure legitum interdictum sunt nuptiae, jam dictis jurib. Quibus adde sororis filiam, ne potest atque proueprem, quis haec liberorum loco sunt, l. Sacerdos 39. & l. Etiam 56. D. De ritu nupt. In cæteris vero conjunctionibus, quæ naturæ non repugnant, sed legibus interdictum sunt, retinemus pœnam, l. Qua contra Cod. De incessis & inuisib. nupt. quæ tantummodo donata utrumque fisco inferuntur.

7. Cæterum tedeundo ad textum nostrum, eadem etiam pœna statuit in Presbyterum, qui clandestino aut alias interdictio matrimonio intercessit præsumpsit. Jubetur enim per triennium ab officio suo suspensi. Tum etiam is, qui ad impedendum matrimonium calunoiosè agit, pœna canonice subicitur.

Sed de denuntiatione matrimonii in Ecclesia proponendâ hic latius discipiamus. Disputant quidem Doctores, quænam Ecclesia in proprio argumento intelligatur: anno in una denuntiationem fieri sufficiat, ubi scilicet plures ejusdem loci sunt Ecclesia: item an ea intelligenda sit, ubi quis tempore matrimonii contrahendi habitat, an ubi parentes, vel ubi aliquando ipse met habet, sed habitationem aliud transiit? De quo vide hic Præpositum sub num 7, & Butrium sub num. 16.

8. Verum, rejecta hac disputatione, tota haec res hodie revocanda est ad præscriptum Concilii Tridentini, quo disertis verbis ita disponitur: Ut in posterum antequam matrimonium contrahatur, Parochus tribus continuis diebus festivis, in Ecclesia inter Missarum solemnia publicè denuntiet, inter quos matrimonium sit contrahendum: quibus denuntiationibus factis, si nullum legitimum opponatur impedimentum, ad celebrationem matrimonii in facie Ecclesia procedatur. Hæc Conc. Trid. Sess 24. o 1, in decreto de reformat. Ubi nota, ex decreto Conc. Tridentini non sufficere unam denuntiationem, sed requiri trinam, eamque à proprio Parochio in Ecclesia factam. Sufficit tamen eam fieri per Capellanum aut cooperatorem, sed mandato Parochi, per ea

qua tradit Navarr. consil 13, de clandestina desponsatione. Et probat juris regula: Qui facit per se ipsum, & Qui facit De R. 1. lib. 6. Neque opus est præcisè, ut hæc denuntiatione inter Missarum solemnia fiat, sed vel in concione, si ita haber loci consuetudo, ut paulo post latius probabitur.

Quare hæc prætereundum non est, denuntiationem hanc licet omitti in iis locis, ubi usus non est recepta, aut in dassætudinem abiit, & per consequens liberos non fore illegitimos, qui negligenter denuntiatione nati sunt ex matrimonio aliqui iniqui, propter impedimentum canonicum: si ramen hujs impedimenti parentes ignorantia fuerint, ut supra dictum est, & alias publicè contraxerint, e. 2, inf. Qui filii sint legit. Quod hac ratione comprobatur: nam lex, ubi recepta non est minimè obligat, can. Erit autem cum 1. seq. dist 4. Ubiautem autem quidem recepta fuit, sed per contrariam consuetudinem abrogata est ex aliqua causa probabili, similiter nos obligat, per text. in cap fin sup. De consuet. & l. De quibus in fine D. Delegib. & qua utrobique tradunt Dd. Unde utroque casu cessat hæc pœna de illegitimis liberi. Quod enim sit lege permittente, pœnam non meretur, vulgatè l. Gracchus C. Ad L. l. u. de adult. Ut hinc reuelaret Henricus Bobic, ad c. hoc nostr. quod Reges, Principes & milites, qui hodie contrahunt absque bannis, id est denuntiationibus, non peccent mortaliter, ubi scilicet solitum est eorum matrimonia non denuntiari.

Quandoque hæc tria denuntiatione, impune omittebunt etiam in iis locis, ubi usus frequentantur; quando videlicet probabilis suspicio est, matrimonium malitiose impeditumiri, si tot præcessint denuntiations; & tunc vel una denuntiatione sufficit, vel saltem Parochio & duobus testibus præsentibus matrimonium celebretur: deinde ante ejus consummationem, denuntiations in Ecclesia siant: nisi ordinarius ipse expedire judicaverit, ut prædictæ denuntiations remittantur. Concil Tridentin d. Sess 24, cap 1, vers quod si aliquando. Quod velim Parochi notent, qui nonnumquam temerè & sine causa omissis denuntiationibus contrahentes conjungunt.

Quid autem juris sit in iis, qui incertis sedibus vagantur, ita quod certum Parochum vel Ecclesiam non habeant, decretiv idem Concilium, ne hoc genus hominum vagantium facilè ad matrimonium admittantur, neque Parochi eorum matrimonii interset, nisi prius diligenti inquisitione

tione facta, & read Ordinatum delata, ab eo licentiam id faciendi obtinuerit. Conc. Trid. Sess. 24, c. 7.

10 Sed quid si denuntiatione facta, vel etiam non facta, ubi aliter consuetudo dietur, prout jam dictum est, impedimentum canonicum obiciatur: quæstum est, ad quem hæc cognitio spectet? Et certum est, non ad Parochum, sed ad Episcopum pertinere, qui legitimus judex est caularum matrimonialium, c. Accedentibus 2, inf. De excess. Prelat Conc. Trid. d. Sess. 24, c. 20, §. adhuc. Ideoque Parochi est hoc impedimentum refutare ad Episcopum, ex sententia Praepositi hic num. 7, sub fin. Poterit etiam is hoc iure Decretalum de eodem impedimento cognoſcere, qui velez privilegio, vel ex praescriptione legitime hoc jus sibi acquisivit, d. c. Accedentibus in fine & ibi Gl. Quod tamen hodie mutatum est per Conc. Trid. d. §. adhuc, quo hujusmodi privilegia & praescript. sublatæ sunt, & cauſe matrimoniales ad solius Episcopi cognitionem revocantur, d. §. ad bac in fine. In quo tamen nihil interest, si Episcopus per se, si ve per alium cauſas matrimoniales, aliasque Ecclesiasticas cognoscat, c. Cum Episcopii 7. De officio Ordin. lib. 6, ut puta per Vicarium vel Officiale suum, cuius idem cum Episcopo est consistuum, cap. 2, De confus. in 6.

11 Nunc de contractu ipsius matrimonii videamus. Qui jubetur celebrari in facie Ecclesiarum, ubi Parochus, viro & muliere interrogatis, & eorum mutuo consensu intellecto, his verbis vel similibus utitur, juxta receptum uniuscujusque provincia ritum: Ego vos in matrimonium coniungo, in nomine Patris, & Filii, & Spiritus Sancti. Ita Concil. Trid. d. c. 1, in fine. Hic tamen modus contrahendi matrimonii non est quidem de essentiâ matrimonii, cum ante docuerimus ad matrimonii contractum sufficere solum consensum contrahentium, licet clam interpositum, dummodo confessione partium vel aliter de eo constet, c. 2, h. 2. Et can. Alter in fine xxx 9, 5. Sed respicit solemnitatem & expeditiorem matrimonii probationem: nisi quod hodie ex praescripto Concilii Trid. in actu contrahendi matrimonii interesse debeat Parochus, vel alius Sacerdos, de ipsius Parochi seu Ordinarii licentia, & duo vel tri testes, alioquin matrimonium tamquam ab inhabilibus contractum plane nullum & irratum est, d. c. cap. 1 vers. qui alter.

12 Neque obstat, quod matrimonium sit divini juris, institutum ab ipso Deo, Genes. c. 1, &c.,

Matth. 19, Ergo per hujusmodi impedimentum, & similia iure Canonico, id est, humano iudicata, derogari non potest juri divino, quod potestius est. Quia Religio matrimonium, est à Deo institutum sit, & a Christo in numerum sacramentorum relatum; nihilominus cum permittum consensum humano more contrahatur, idcirco quoad personas contrahentium subiectum humano iuri. Unde mirum non est, si aliqui habiles per constitutionem Ecclesiasticam inhabitantes reddi possint: adeò ut etiam per constitutionem civilē hoc fieri possit apud Ethnicos, qui extra Ecclesiam sunt; uti & apud Christianos, propter annexam rationem Sacramenti, ac proinde apud hos subiicitur Ecclesiasticis constitutis. Quod non dissimili argumento ita declaratur: Constat empionem, venditionem, locationem, conductiōnem, societatem, mutuum, similesque contractas esse juris gentium, id est, naturali ratione apud omnes gentes introductas, §. iuri autem gentium Instit. De iurenatur gent. & civ. Atque hoc ius quamvis Justinianus vocet sumum & immutabile divinā quadam providentia, tamen in confessio est, multos prohiberi ab hujusmodi contractibus, videlicet minores 2, annis, absque tutorum vel curatorum auctoritate, ita quod de eorum contractus, quod obligandum se, plausibiliter sint, ut Institut. De auctorit. iuror. &c. 1, C. De in integr. restit. minor. Idem evenit & in presenti argomento, ut quamvis matrimonium sit juris gentium, respectu consensus naturalis, quo apud omnes gentes contrahitur (nam respectu conjunctionis maris & faminae, quæ & in brutis animalibus est, dicitur à Justiniano juris naturalis, Instit. De iurenatur gent. & civili in pr. Jamen in quibusdam personis quandoque eius effectus recte impeditur, vel per constitutiones civiles, veluti apud Ethnicos, vel Ecclesiasticas, ut inter Christianos.

Sed ut redeamus ad Conc. Trident. de praesent. 13, tia Parochi vel alterius Sacerdotis & testium, animadvertisendum est, Concilium non infringere aut irritare matrimonium, quod omnia denuntiatione celebrarum est, sed quod in absentia Parochi vel alterius Sacerdotis & testium contractum est, nihilominus illud, quod absque denuntiatione contractum est, licet praesentibus Parochio, aut alio Sacerdote & testibus, dicetur clamdestinum: ac proinde in tali matrimonio, comperto postea impedimento canonico, proles ex eodem nata erit illegitima, per hunc text. in §. si quas vnde,

verò. Neque enim in hac re quidquam immutatum est per Concilium Tridentinum, sicut rectè senseret Mart. Navar. in *Manuali cap. 22, num. 70,* & correditio iurium in dubio minime inducenda est, i^e *Præcipimus 32, in fine C. De appellat. & arg. l.* *Sancimus 27, C. De testam.*

- 14 Præterea observandum est, ex eodem decreto Concilii Trident. in d^r vers. qui aliter, abrogata esse omnia præsumpta matrimonia, veluti sunt, quando sponsalia per subsequentem copulam inter sponsum & sponsam transiunt in matrimonium, e. *Is qui fidem 30 sup. De sponsalib. ad c. 2, liceit sponsalia sub conditione concepta sint, e. Per tuas 6, inf. De conditionib. appos. aut cum per concubitum sive sponsionem cohabitationem convalescit, e. Ad id 21, sup. De sponsalib. & c. 2, inf. De eo qui duxit in matrimonio. Nam hæc jure Decretalium rectè dicuntur, sicut constat ex iuribus jam allegatis. At minus rectè juxta præscriptum Concilii Trident. quo omnia præsumpta matrimonia abrogata sunt, propter absentiam Parochi vel alterius Sacerdotis, & duorum vel trium testimoniis, qui in præsumpto matrimonio non solent adhiberi; intelligendo tamen iis in locis, ubi hoc decretum promulgatum est: nam in fine d. c. 1, de reformat. matrim. disertè dicitur, hoc decretum*

Concilii Trid. runc obligare, ubi post publicationem in parochia factam elapsi sunt triginta dies. Ergo ubi publicatum non est, neminem adstringit, sed valet quoquo modo contractum matrimonium.

Postremò hæc duo observanda sunt. Unum, quod de matrimonio coram Parocco vel alio Sacerdote, & duobus vel tribus testibus contrahendo diximus, non habere in locum in sponsalibus propriè dictis, quæ de futuro appellamus; hæc enim etiam hodie post Concil. Trident. clam contracta valent. Neque enim Concilium hæc abrogavit, sicut rectè monet Mart. Navarr. in *Manuali c. 75, num. 144.* Atque idcirco cum Parochus, vel alius Sacerdos contrahendis sponsalibus adhibetur (ut fieri solet) id non necessarium sed majoris honestatis causâ.

Alterum est, quod sufficiat matrimonium contrahi coram Parocco habitationis mulieris, ubi matrimonium contrahitur in parochia ipsius. Si in parochia viri, sufficit praesentia Parochi ipsius viri, ex declaratione Congregationis Cardinalium deputatorum ad dubia Concil. Trid. declaraanda, teste Navarro cons. 3, n. 1, de clandest. de spons. & in *Manuali d. num. 144.*

IN TIT. IV. DE SPONSA DVORVN.

S U M M A R I A.

1. *Sponsalibus binis contractis qua preferenda.*
2. *Fides pactionis & fides consensus quid?*
3. *Quid si sponsa à sponso, ante contractum cum alia matrimonium, cognita fuerit?*

Agitur hoc Tit. de iis, qui bina sponsalia contraxerunt, utra scilicet preferenda sint. Tota verò hæc res adhibita distinctione dirimenda est. Aut enim priora fuerunt sponsalia de futuro, & posteriora de præsenti cum alia persona. Hac specie posteriora præferenda sunt, quod per hæc dissolvantur sponsalia priori ipso jure, *textus hic in cap. 1, & in c. Sicut 22, sup. De sponsalib. ubi rationem reddidi.* Aut utraque fuerunt de præsenti: & certum est priora præferenda esse, etiam si posteriora per concubitum consummata sint, d. c. 1, & c. 2, & c. fin. h. iii. & c. penult. sup. *De sponsal.* ubi & hujus rei rationem diximus. In his totus hic Tit. insumitur, nisi quod in cap. 4

tractetur de matrimonio contra interdictum iudicis contractio, de quo proprius differendi locus erit inf. sub tit. *De matrim. contractio contra interdict. Ecclesi.*

Illiud tamen proprius inspiciamus, dum textus noster in c. 1, distinguit inter fidem pactionis & consensus. *Fidem pactionis* vocat cum quis mulieri fidem promittit, id est, addicit se eam in uxorem ducendum, si pariatur se cognosci. *Fidem autem consensus*, quando mutuus consensus matrimonialis utrumque intercedit. Et quidem si quis post fidem pactionis datum uni interponat postea fidem consensus cum alterâ, hanc videlicet in uxorem ducendo, quod haic adhædere debet, reliqua priore; propriea quod cum priore sponsalia de futuro contracta fuerunt, cum posteriori verò matrimonio.

Quid si sponsa de futuro antea à sponso cognita fuerit, priusquam hic cum alia matrimonium contraheret? Et puto priora sponsalia præferenda esse, tamquam impleta jam conditione, e. 3,

Yy 3 inf.